



## **Publicaziuns officialas dils 23-07-2010**

---

### **Curdem da gronda dimensiun**

La vischnaunca organisescha ina rimnada da rufid bloccont sco suonda:

#### **Venderdis, ils 23 da fenadur 2010 dallas 08.00 - 18.00 uras**

**NIEV vegn rimnau il rufid per l'entira vischnaunca sin la piazza Igniu** (sper baghetg stradal)

**La rimnada ha liug mintgamai mo 1 di, persuerter inaga dapli per onn!**

Aschia sto il rufid buca vegnir tenius si aschi ditg a casa.

Ils curdems ein da deponer els containers ni navettas tschentai sil plaz. Per tener-casa vegn priu encunter **max. 2 m<sup>3</sup>** rumians. Quantitads pli grondas, per ex. ord rumidas da casas e clavaus ein da transportar directamein e sin cuost dil caschunader ella deponia regionala a Rueun.

Ei vegn acceptau:

- maschinas pintgas e mopeds mo cun tratg giu ieli e benzin
- ferramenta electronica e maschinas da lavar
- mobílias ed indrezs da casa
- ulteriurs curdems che vegnan buca rimnai cun ils transports jamnils
- per pneus senza gavegl vegn incassau ina taxa da frs. 5.--, cun gavegl frs. 10.--

**Buca** acceptau vegnan:

- maschinas agricolas
- lenna da brisch
- curdems da baghetg (Bauschutt) e curdems da fatschentas, quels ein da transportar directamein a Rueun
- curdem verd da curtin e caglias, tals curdems san vegnir deponi sil plaz da rimnada ad Igniu
- calziers da skis san vegnir dai giu a sgr. Ernst Orlik a Rabius per frs. 5.--, en favur dalla ARGO Tavau
- cartun e pupi duei vegnir surdau alla rimnada entras la scolas resp. las uniuns
- blachas da ballas da silo (verdhas ed alvas)

Nus appelein alla responsabladad da vischinas e vischins e supplichein da setener vid quellas ordinaziuns en favur digl ambient. Medemamein fagein nus attents da buca deponer rumians sin deponias illegalas (selvadias). Talas deponias cunterfan alla legislaziun per la dismessa da rumians e vegnan annunziadas als organs responsabels.

## **Eleccziuns communalas 2010**

### **Reelecziun da cumissiuns accessoricas e da delegaziuns en corporaziuns intercommunalas ni regionalas**

Per contonscher in temps d'uffeci unitar denter autoritads communalas ed ulteriuras cumissiuns ni delegaziuns ha la suprastanza communal ordinau la reelecziun da tuts tals gremis sin l'entschatta dalla nova perioda d'uffeci. Ei setracta cheu dallas suandontas cumissiuns:

- Cumissiun da fiug
- Cumissiun da perimeter
- Cumissiun da cultura
- Cumissiun donaziun Greina
- Cumissiun lavur da giuventetgna Cadi
- Stab directiv communal da crisa
- Biro electoral
- Cussegl d'administraziun "la valischa sa"

Plinavon vegnan ils suandonts delegai a corporaziuns ni colligaziuns regionalas da vischnaucas tenor art. 50ss dalla lescha cantunala da vischnaunca reelegi, numnadamein:

- Uniun sursilvana da spital
- Corporaziun casa da tgira Sutsassiala
- Uniun da Spitex Cadi
- Corporaziun serenera Zavrugia
- Corporaziun schigentera solara da gliet Cadi
- Consorzi silo da sal dallas vischnaucas Breil, Trun e Sumvitg
- Consorzi register funsil Cadi
- Uniun Parc Adula

Mandataris che stattan vinavon a disposiziun per in'ulteriura perioda d'uffeci valan sco proponi. Commembers che vulan seretrer da lur post ein supplicai d'inoltrar l'abdicaziun entochen ils 13 d'uost 2010 alla suprastanza communal a scret, quei sa era succeder per mail a [info@sumvitg.ch](mailto:info@sumvitg.ch). Silsuenter vegnan ils organs communalas cumpetents a far las eleccziuns per ina nova perioda d'uffeci 2010 – 2013.

Sumvitg, 23-07-2010

Suprastanza communal Sumvitg

## **Taglia alla fontauna**

Tuts patruns che han occupau luvriers jasters enteifer igl'emprems semester 2010 ein supplicai da quinter giu la taglia sin fontauna **entochen ils 30 da fenadur 2010**. Plinavon ei igl importo dalla taglia da pagar immediat alla cassa communal.

Sumvitg, 23-07-2010

Administraziun communal Sumvitg

## **Fiasta e tir digl 1. d'uost a Plaunpetschen**

- dumengia, igl 1. d'uost 2010
- plaid festiv da Mario Cavigelli
- fiasta cun tenda, gril e musica entscheiva allas 18.00
- tir per in e scadin entscheiva allas 12.30 (formar ina gruppa da dus, mo in licenziau, buis ein avon maun, sistem da cup, 1. runda sa vegnir sittada entochen allas 14.30, ulteriur sclariment sut 076 340 08 91) Cordialmein envida *la Societad da tir Vial Sumvitg*

## **1. d'uoost 2010 solver da purs a Rabius/Curtins**

**naven dallas 9.00.**

Da Vossa viseta selegran *Adelina e Vitus Berther e team cuminoza solver da purs Trun/Rabius*

## **Cuminonza Pro S. Benedetg, Clavadi e contuorn**

### **1. d'uoost 2010**

La sera ca. allas 21.45 schein nus ira giu in fiug artificial el Plaun da Laits. Silsunter sentupada el restaurant Miraval per star ensemen in per bialas uras. Cun quei fiug less la cuminonza engraziar a tut las commemoras e commembers per il bien sustegn pretaus egl onn vargau. Vegni e mirei quei bi fiug sbrinzlont.

### **1. August 2010**

Am Abend um ca. 21.45 Uhr lassen wir ein Feuerwerk laufen im Plaun da Laits. Anschliessend Treffen im Restaurant Miraval, um ein paar Stunden fröhlich zusammen zu sein. Mit dieser Attraktion möchte die Gemeinschaft allen Mitgliedern für die gute Unterstützung im vergangenen Jahr danken. Kommt und genießt dieses schöne Spektakel.

## **Beach Sport Plaun Petschen, Cumpadials**

**Sonda, ils 24 da fenadur 2010 dallas 10.00–12.00 uras**

Volley Kids Plaun Petschen, fuffernadi da ballareit sil sablun per affons e giuvenils. **Affons naven da 10 onns ein cordialmein beinvegni da far in fuffernadi da ballareit sil sablun.** S'annunziar tier: [lucas.tuor@bluewin.ch](mailto:lucas.tuor@bluewin.ch), 079 759 32 22.